

vbel vnd forchten irn zorn. Sie nament palb vnd erwelten
aus yn sibenzig mann vnd schickten sie zu der kaiserin. do
sie zu ir kament do sprachen si. Fraw Kaiserin was ist
euwer pet. wir habent sibenzig gewelt. vnd sie zu euch ge-
schickt den ist all vnser geheim kund vnd wissent vnd kü-
nent euch das wol sagen. Do sprach die kaiserin. brin-
gent sie mir oder ir mussent euwer leben verlieren. Die iu-
den wurdent gar traurig. sie forchtent die frawen gar vbel.
Sie giengen an ain rat zusammen vnd sprachen. Vnser sach
stat vbel. vnd was die fraw mit uns anfahen will das
wissent wir nit. Vnder den sibenzig was gar ain weiser
mit namen Judas der was vast alt der sprach. Ich main
ich wiß wol was sie wöll ich main genzlich sie wöll das
holz do Jhesus an gemartert ist worden. Do sprachen
die iuden. es lebt niemant der das wiß. Do sprach Ju-
das. do Zachäus gar alt was do sagt er meinem vater
Symon vnd zaigt ym das holz. do zaigt es mir mein va-
ter vnd sprach. Lieber sun nun huet dich bei deinem leben
das du niemant das kreuz zaigst. wann es geschicht das
man die iuden wirt nöten das sie es suchen vnd geben.
oder sie müßent sterben vnd den tod darumb leiden vnd ee
du den tod leidest. so soltu es sagen vnd zaigen wie es
Annas in das hör gelegt hat. Mein vatter sagt mir auch
wie das vnser reich von vnser sünd wegen vns werd geno-
men vnd den cristen vndertan. Die kaiserin hört vngern
das sie so lang zu rat giengent. vnd in ainer gähe hieß sie
sy all vaben vnd verprennen oder ir das kreuz zaigen. Da
sprachent sie. Fraw sind uns gnädig. wir zaigen euch ain
vnder vns der es euch zaigen kan. vnd wie es ain gestalt
darumb hat. vnd euch wol vnterrichten kan. Er ist ains
weissagen kind. vnd zaigten ir Judas. Die künigin nam
yn zu ir vnd het yn vast wol in hut vnd sprach zu ym.
Willtu leben so zaig mir das holz daran gemartert ward
Jhesus. Da sprach Judas. das ist mir vnkündig. vnd
swur mengen aid das er es nit weste. Mit lieb noch mit
laid